



УС СУВГИЙН УДИРДАХ ГАЗАР
УСНЫ ТӨВ ЛАБОРАТОРИ
WATER SUPPLY & SEWERAGE AUTHORITY
CENTRAL WATER LABORATORY



TL №59

БАЯНГОЛ ДҮҮРГИЙН ИРГЭН ТА ЯМАР УС УУДАГ ВЭ?

Ус сувгийн удирдах газар нь Их хотынхоо хүн амыг Туул голын сав дагуух 20-70 метрийн гүнээс олборлосон **ГҮНИЙ** цэвэр усаар хангадаг.

Иргэн таны ууж буй усыг УСУГ-ын “УСНЫ ТӨВ ЛАБОРАТОРИ”-т өдөр тутам шинжилдэг.

Манай лаборатори нь Монгол улсад усны чанарын хяналтаар хамгийн АНХНЫ итгэмжлэл авч “Итгэмжлэгдсэн лаборатори” болж, 2000, 2003, 2006, 2010, 2014, 2019 онуудад үндэсний итгэмжлэлээ амжилттай сунгуулсан төдийгүй 2012 онд СХЗҮТ-ийн жишиг лабораториор сонгогдон Олон улсын итгэмжлэлийн үзлэгт хамрагдаж байсан.

Улаанбаатар хотын сая гаруй хүн ам хэрэглэж буй ундны усыг MNS 900:2005 стандартад заасан химийн 5-60 гаруй, нян судлалын 4-6 үзүүлэлтээр өдөртөө 20-40 сорьцонд жилдээ 5000 орчим сорьцонд шинжилгээ хийж хяналт тавин ажилладаг.

Тус лаборатори нь орчин үеийн шинэ дэвшилтэт тоног төхөөрөмжөөр бүрэн тоноглогдсон байнгын ажиллагаатай олон жилийн туршлагатай лаборатори юм.

Унд ахуйн хэрэгцээний ус нь усны эх үүсвэр, усны чанарыг сайжруулах арга, ус хангамжийн системийн онцлогоос үл хамааран усаар дамжин халдварт болон халдварт бус өвчин тархах аюулгүй, физик үзүүлэлт, химийн найрлагаараа зохимжтой, хоргүй, мэдрэгдэх чанар нь харшлахгүй байх нөхцлийг хангах ёстой.

“УС БОЛ ХАМГИЙН ИХ ХЯНАЛТТАЙ ХҮНСНИЙ БҮТЭЭГДЭХҮҮН ЮМ “.

Усны чанар гэдэг ойлголт нь усны физик, химийн болон биологийн шинж чанарын цогцоос бүрдэнэ.

Таны хэрэглэж буй усны чанарын талаар мэдээлэл өгье.

1. Усны физик болон мэдрэхүйн үзүүлэлт

Хүснэгт 1

Үзүүлэлт, хэмжих нэгж	Өнгө, градус	Үнэр, балл	Амт, балл	Булингар, NTU	pH	Цахилгаан дамжуулах чанар, mS/cm
MNS 900:2005 стандартад заасан ЗДХ	20	2	2	5	6.5 – 8.5	1.0
Крантны усан дахь агууламж	2.2	0	0	0.16	6.61	0.108

ЗДХ- зөвшөөрөгдөх дээд хэмжээ

Таны ууж буй ус нь амтгүй, үнэргүй буюу хлорын сул үнэртэй, өнгөгүй, тунгалаг, булингаргүй байна. Усны pH нь 6.61 байгаа нь саармаг орчинтой байна.

2. Усны химийн үзүүлэлт

2.1 Усны ерөнхий эрдэсжилт ба голлох ионууд

Хүснэгт 2

Үзүүлэлт, хэмжих нэгж	Ерөнхий эрдэсжилт, мг/л	Хатуулаг, мг-экв/л	Кальци, мг/л	Магни, мг/л	Натри, мг/л	Кали, мг/л	Хлорид, мг/л	Сульфат, мг/л	Гидро Карбонат, мг/л
MNS 900:2005 стандартад заасан ЗДХ	1000	7	100	30	200		350	500	
Крантны усан дахь агууламж	73	0.86	14.79	2.64	4.92	0.67	8.17	6.52	48.74

Хүснэгтээс харахад таны ууж буй ус нь ерөнхий эрдэсжилтээрээ хэт цэнгэг, хатуулгийн хувьд зөөлөн ангиллын, усанд байдаг голлох ионуудаар авч үзвэл, анионоос гидрокарбонат, катионоос кальцийн ион зонхилсон химийн найрлагатай байна.

Тайлбар: Ундны усанд агуулагдах зохимжит хэмжээ нь кальцийнх 25-100 мг/л, магних 11-30 мг/л байдаг. Хүний биед кальци, магни нь булчингийн агшилт сулралтанд эсрэг нөлөөллийг үзүүлдэг учраас насосны үйлчилгээний механизм гэж бичдэг.

Кальци нь хүний мэдрэл, булчингийн үйл ажиллагаанд оролцоно. Мөн эсийн хуваагдал, ферментийн системийг идэвхижүүлэх, эсийн мембраны нэвчих болон эсийн амьсгалд оролцдог.

Магни нь хүний цусны сийвэнд 0,5 ммоль/л-ээс багасвал магнийн дутагдалд орсныг илэрхийлнэ. Магни нь зүрхний болон бусад булчингийн агших сулрах механизмд оролцоно. Магни ихтэй усыг хэрэглэхэд гөлгөр булчин сулрах шинж давамгайлдгаас цанхайх, гэдэс дүүрэх шинж илэрдэг.

2.2. Усан дахь шим бохирдлын үзүүлэлт

Ундны усан дахь азот болон фосфор агуулсан нэгдлүүд нь усны бохирдлын чухал үзүүлэлтүүд бөгөөд эдгээрийг Metrohm-ын IC 850 Professional Ионы хроматографи болон Термо-ын Genesys 10 UV спектрофотометрээр тодорхойлж байна.



Хүснэгт 3

Үзүүлэлт, хэмжих нэгж	Аммони, мг/л	Нитрит, мг/л	Нитрат, мг/л	Фосфат, мг/л	Фтор, мг/л	Төмөр, мг/л	Бром, мг/л
MNS 900:2005 стандартад заасан ЗДХ	1.5	1.00	50	3.5	0.7-1.5	0.3	0.01
Крантны усан дахь агууламж	0.015	0	2.28	0.011	0.15	0.014	<0.1

Лабораторийн зөвшөөрөлгүйгээр хуулбарлахыг хориглоно.

Фтор нь бие махбодод бусад бичил элементүүдтэй нарийн холбоотой байж яс, шүдний бүтэц дотоод шүүрлийн булчирхай, зүрхний булчин болон биологийн идэвхит /хинин, катехоламин/ бодисын үйл ажиллагаанд чухал үүргийг гүйцэтгэдэг байна. Ундны усанд фторын агууламж 0.7-1.5 мг/л байхад хэвийн гэж үзнэ. Фторын нэгдлүүд ясны ба шүдний эд эсэд эрдэсжилтийн процесс явагдахад идэвхтэй үүрэгтэй байдаг.

Таны ууж буй усан дахь фторын агууламж /0.15 мг/л/ харьцангуй бага байна.

Зөвлөмж:

Иймээс та фтор агуулсан шүдний оо хэрэглэж байх нь зүйтэй.

2.3 Бичил элементийн үзүүлэлт

Хүнд металлууд болон бичил элементүүд нь гүний усанд маш бага хэмжээтэйгээр агуулагддаг. Эдгээр бичил элементүүд (зэс, цайр, селен, мөнгө, хром, фтор, төмөр) нь хүний бие махбодын бодисын солилцоо болон олон даавар, аминдэм, ферментийн бүтцэд оролцдог. Бичил элементүүд нь хэдийгээр хүний бие махбодод зайлшгүй шаардлагатай ч тодорхой хэмжээнээс хэтэрвэл хортой нөлөө үзүүлдэг.

Манай лаборатори нь хүнд металлууд болон бичил элементүүдийг Varian-ы ICP-OES буюу индукцийн холбоотой плазмын оптик цацаргалтын спектрометр багажаар тодорхойлж байна.



Хүснэгт 4

Үзүүлэлт, хэмжих нэгж	MNS 900:2005 стандартад заасан ЗДХ	Крантны усан дахь агууламж
Мөнгө, мг/л	0.1	0.004
Хөнгөнцагаан, мг/л	0.5	0.016
Мышьяк, мг/л	0.01	<0.003
Бор, мг/л	0.5	0.007
Бари, мг/л	0.7	0.006
Берилли, мг/л	0.0002	<0.00008
Кадми, мг/л	0.003	<0.0002
Кобольт, мг/л		<0.0008
Хром, мг/л	0.05	0.0006
Зэс, мг/л	1	0.005
Манган, мг/л	0.1	<0.0005
Молибден, мг/л	0.07	0.002
Никель, мг/л	0.02	<0.001
Хартугалга, мг/л	0.01	<0.002
Сурьма, мг/л	0.02	<0.004
Селен, мг/л	0.01	<0.004
Стронци, мг/л	2	0.068
Цайр, мг/л	5	0.027
Мөнгөн ус, мг/л	1	<0.0001

Хүснэгтээс харахад таны ууж буй ус хүний биед хэрэгцээтэй бичил элементүүд болон бусад үзүүлэлтээрээ ч стандартын шаардлагыг бүрэн хангаж байна.

Тайлбар:

1 мг/л гэдэг нэгж нь 1 литр усанд агуулагдаж буй 1 граммыг мянга хуваасны 1-тэй тэнцүү хэмжээ юм.

2.4 Усан дахь органик үзүүлэлт

Гүний усны хувьд органик бохирдол харьцангуй бага байдаг бөгөөд манай лабораторид дэгдэмхий болон зарим галогент органик нэгдлийг Varian-ы GC-МС буюу Хийн хроматографи-Масс спектрометр багажаар тодорхойлж байна.

Усан дахь органик нэгдлүүд нь стандартад заасан хэмжээнээс хэтэрвэл аюултай бөгөөд хүний эрүүл мэндэд сөргөөр нөлөөлөх нэгдлүүд үүсч болзошгүй байдаг тул тогтмол хянах шаардлагатай байдаг.

Хүснэгт 5

Үзүүлэлт хэмжих нэгж	MNS 900:2005 стандарт дахь ЗДХ, мг/л	Крантны усан дахь агууламж, мг/л
Нафтален		0
1.4-Дихлорбензол		0
Бромформ	0.1	0
о-Ксилол, Стирен	0.5	0
п,м-Ксилол	0.5	0
Этилбензол	0.3	0
Дибромхлорметан	0.1	0.0003
Тетрахлорэтилен		0
Толуол	0.7	0.0001
Бромдихлорметан	0.06	0.002
Трихлорэтилен		0
Бензол, ТАМЭ, 1.2-дихлорэтан	0.01	0
Тетрахлорметан		0
1.1.1-Трихлорэтан	0.07	0
Хлорформ	0.2	0.005
1.1-Дихлорэтан	0.03	0
Дихлорметан		0
Хлортэтилен	0.0003	0



2.5. Усан дахь үлдэгдэл хлор

Бид гүнээс олборлосон байгалийн цэвэр усандаа ямар нэгэн боловсруулалт хийдэггүй бөгөөд нян үржихээс урьдчилан сэргийлэх зорилгоор хоолны давснаас гаргаж авсан натрийн гипохлоритын давсаар халдваргүйжүүлэлт хийдэг.

Лабораторийн зөвшөөрөлгүйгээр хуулбарлахыг хориглоно.

Халдваргүйжүүлэлтийн хэмжээг цаг тутам мэргэжлийн операторууд хянаж байдаг бөгөөд усан дахь үлдэгдэл хлорын зөвшөөрөгдөх дээд хэмжээг стандартад 0.3 мг/л байх ёстой гэж заасан байдаг.

Таны усан дахь үлдэгдэл хлорын хэмжээ <0.2 мг/л байдаг.

Зөвлөмж:

Хэрэв таны уснаас бага зэргийн хлор үнэртэж байвал таны ус ямар нэг нянгийн халдваргүй, аюулгүй ус ууж байна гэсэн үг.

3. Усан дахь нян судлалын үзүүлэлт

Манай нян судлалын лаборатори нь өдөр тутам 4-6 үзүүлэлтээр тогтмол хяналт явуулдаг.

Хүснэгт 6

Үзүүлэлт	1 мл усан дахь Нийт нянгийн тоо	100 мл усан дахь Гэдэсний бүлгийн нян	25 мл усан дахь Гэдэсний бүлгийн эмгэгтөрөгч нянгийн тоо	100 мл усан дахь E.Coli-ийн тоо	100 мл усан дахь Перфрингенс
MNS 900:2005 стандартад заасан ЗДХ	100	0	0	0	0
Крантны усан дахь агууламж	1	0	0	0	0

Нян судлалын үзүүлэлтээр таны хэрэглэж буй ус нь ямар нэг нянгийн бохирдолгүй байна.

Дүгнэлт

Баянгол дүүрэгт амьдардаг иргэн таны крантны ус химийн 60, нян судлалын 5 үзүүлэлтээрээ ДЭМБ-аас гаргасан зөвлөмж болон Монгол улсын үндэсний стандарт MNS 900:2018 –ын шаардлагыг бүрэн хангаж байна.

Зөвлөгөө:

- *Ус нь байгаль дээрхи хамгийн сайн уусгагч юм. Иймээс усыг хадгалах, зөвөөрлөх сав нь хамгийн цэвэр байх ёстой.*
- *Шөнө усны хэрэглээ багасдаг учраас шугаман дотор хоносон усыг өглөө босоод 1-3 минут орчим гоожуулсны дараа хэрэглэж заншаарай.*
- *Усыг олон давхар шүүлтүүрээр шүүхэд усан дахь бүхий л эрдэс бодисуудын агууламж их хэмжээгээр буурдаг тул хүний эрүүл мэндэд сөргөөр нөлөөлдөг. Та бүхэн шүүлтүүр хэрэглэдэг бол ашиглалтын зааварт заасан тодорхой хугацаанд шүүлтүүрээ сольж байх хэрэгтэй. Заасан хугацаанд нь солиогүйгээс шүүлтүүр дээр үүссэн бохирдол нь таны усыг бохирдуулна.*

Манай хаяг:
Баянзүрх дүүрэг 4 дүгээр хороо
15-р хороолол
УСУГ-ын Усны төв лабораторийн байр
Утас: 70157034
Вэб хуудас: www.usug.ub.gov.mn

2021.06